

ՀԱՄՓԱՌՈՏ ԳԻՏԱԿԱՆ ՀԱՂՈՐԴՈՒՄՆԵՐ

ժ. Ս. Այուհյ

ԱՄՈՐՓԱՅԻ ՆՇԱՆԱԿՈՒԹՅՈՒՆԸ ԵՐԵՎԱՆԻ ԱՆՏԱՌԱՅԻՆ
ՏՆԿԱՐԿՆԵՐՈՒՄ

Ամորֆան (*Amorpha fruticosa* L.) հյուսիս-ամերիկյան ծագում ունեցող թփատեսակ է, որը ՍՍՌ-ի մի շարք շրջաններում հաճախ օգտագործվում է անտառացման և կանաչադարձման նպատակով:

Ամորֆան 2—5 մ բարձրությամբ անձե թուփ է, բնութագրվում է մի շարք արժեքավոր բիոլոգիական հատկություններով, որոնց շնորհիվ նա ունի որոշ անտառ-մելիորատիվ նշանակություն: Դրանք են՝ անպահանջկոտություն, հողային պայմանների նկատմամբ, բարձր երաշտադիմացկունություն, ազդեցիմացկունություն և արագ աճում: Որպես թիթեոնածաղկավորների ենթաընտանիքին պատկանող թփատեսակ, ամորֆան բնութանակ է բարձրացնելու հողի բերրությունը, հարստացնելով հողը ազոտով:

Նպատակ չունենալով հերքել ամորֆայի այս հանրածանոթ արժեքավոր հատկությունները, մենք անհրաժեշտ ենք համարում նշել նրա բիոլոգիական մի հատկություն ևս, որը, մեր գիտողությունների համաձայն, բացասական դեր ունի: Այս թփատեսակը հարավային շրջաններում, ոռոգման պայմաններում, ցուցաբերում է վեգետատիվ և սերմնային վերանորոգման չափազանց մեծ բնդունակություն: Բույսը պաղարկում է շատ տառտ և ամեն տարի: Ամորֆան շատ ուժեղ և արագ բազմանում է նաև արմատային մացառներով, տալով մեծ աճ (ամորֆայի տարեկան աճը Երևանի պայմաններում հասնում է 1—1,5 մ): Ամորֆան բնդունակ է մի քանի տարվա բնթացքում մեկ թփից կազմելու անանցելի մացառուտներ, որոնց տարածման արամագիծը չափվում է մետրերով և տասնյակ մետրերով:

Այսպիսով, վտանգ է ստեղծվում հարևան ավելի արժեքավոր թփային և ծառային տեսակների նորմալ զարգացման համար և այդ վտանգն ուսույժել ևս մեծանում է շնորհիվ նրա շատ ուժեղ տարածվող արմատային սխտեմի:

Երբ գիտողությունները ցույց են տալիս, որ Երևանի անտառային տնտեսության տկնարկներում, որոնք տեղագրված են քաղաքը շրջապատող սարավանդից, ամորֆան արդեն զարձեղ է մի մուրախով, մի ֆնասակար բույս: Այս պատճառով անտառային տնտեսությունը պայքարի միջոցներ է ձեռք առնում նրա դեմ՝ հատելով ամորֆայի մացառները: Նկատի ունենալով, որ հատումը կատարվում է պաղակալումից հետո, իսկ ամորֆան հատումից հետո բնդունակ է տալու շատ ուժեղ վեգետատիվ վերա-

ճում, նշված պայքարը պետք է համարել շատ թույլ և ոչ արմատական: Պայքարի էֆեկտիվ եղանակ պետք է համարել մացառուտներն արմատախիլ անելը կամ թե հատելը և հեռացնելը նախքան ստղակալումը:

Ահա մի քանի թվական տվյալներ մեր գիտություններից, որ մենք կատարել ենք Երևանի անտառատնտեսությունից և Երրորդ տեղամասում:

Ամորֆայի մալրական թիկից մեկ քառակուսի մետրի վրա գտել ենք այդ թվատեսակի սերմնային ծագում ունեցող տարբեր հասակի 78 բուսակ, իսկ 30 մ հեռավորությունից վրա 57 բուսակ: Այս թվերը ցույց են տալիս ամորֆայի սերմնային վերանորոգման մեծ աճը:

Հաճախ կարելի է տեսնել ամորֆայի մացառներում աճած կաղնու և այլ տեսակների բնական վերանորոգման (ինքնացանքի) ոչնչացում, քանի որ ամորֆան այդ տեսակների բուսակներին զրկում է լույսից, խոնավությունից և սննդից:

Նկատի ունենալով այս բոլորը, մենք անհրաժեշտ ենք համարում սահմանափակել ամորֆայի զգալիործումը սեպտեմբրիկայի տափաստանային ու նախալեռնային շրջաններում կատարվող նոր անտառային մեղիքատիվ և դաշտապաշտպան աշխատանքներում:

Մեր կարծիքով, ամորֆան հնարավոր է սահմանափակ քանակությամբ աճեցնել այն տեղի, քարքարոտ և սահասարակ տնարենպաստ հողագրունտային պայմաններ ունեցող տարածություններում միայն, որտեղ այլ ծառատեսակներ չեն կարող աճել: Այստեղ ամորֆան, որպես լավ հակաէրոզիոն տեսակ կկատարի իր գրական գերը, կպայքարի հողի լվացման դեմ, միաժամանակ հարստացնելով այն:

Հայկական Գյուղատնտեսական
ինստիտուտ

Պետրոպոլսի է 22 XII 1954

Ж. А. Айунц

Значение аморфы кустарниковой в ереванском зеленом кольце

Р е з ю м е

Аморфа легко распространяющаяся как семенами, так и вегетативным путем кустарниковая порода.

Один высаженный куст быстро дает обильную поросль от корней и дички от семян. Все это сильно засоряет площади, занятые другими, более ценными древесными и кустарниковыми породами.

Именно поэтому Ереванский лесхоз ведет усиленную борьбу против ее распространения. Однако эта борьба неэффективна, т. к. аморфа вырубается после обсеменения значительной площади вокруг себя. Следует ее вырубать коренным образом до обсеменения.

В настоящей статье рекомендуется сажать аморфу на непригодных землях, где лучшие породы не могут расти.